

## PERJANJIAN

PERJANJIAN ini dibuat pada ..... haribulan .....dua ribu  
.....(20.....) DI ANTARA.....

(Huruf Besar)

No. Kad Pengenalan ..... Di alamat .....  
..... di lahirkan pada.....

(Kemudian daripada ini disebut PELAJAR) sebagai pihak pertama DENGAN KERAJAAN MALAYSIA

(Kemudian daripada ini disebut KERAJAAN) sebagai pihak kedua DAN .....

..... No. K.P.....

(Huruf Besar)

Di alamat ..... dan

..... No. K.P.....di alamat

.....(Kemudian daripada ini disebut PENJAMIN-

PENJAMIN) sebagai pihak ketiga, adalah MENYAKSIKAN seperti berikut:

1. PELAJAR, dengan kelulusan dan persetujuan PENJAMIN-PENJAMIN dengan ini bersetuju-
  - (a) bahawa dia akan memasuki dan dengan sesungguhnya meneruskan kursus latihan dan memasuki semua ujian atau peperiksaan yang disyaratkan dalam kursusnya di universiti atau kolej atau institusi sebagaimana yang diluluskan oleh KERAJAAN untuk mendapatkan satu Ijazah atau Diploma atau Sijil yang dikehendaki oleh KERAJAAN seperti yang dinyatakan di dalam Surat Tawaran Biasiswa yang disebutkan di Fasal 9 Perjanjian ini dan bahawa dia akan menyempurnakan kursus latihan yang tersebut itu dalam masa yang ditetapkan dalam Surat Tawaran biasiswa atau dalam sesuatu masa yang lebih lama lagi sebagaimana yang diluluskan oleh KERAJAAN;
  - (b) bahawa dia, semasa dalam tempoh kursus latihannya, akan menurut apa-apa peraturan dan tata tertib sebagaimana yang berkuatkuasa dari semasa ke semasa dalam universiti, kolej atau institusi tersebut yang dia dikehendaki menghadirinya atau di lain-lain tempat di bawah arahan universiti, kolej atau institusi tersebut di mana kursus latihan itu atau mana-mana bahagiannya mungkin dijalankan;

- (c) bahawa dia hendaklah melaporkan dengan segera, iaitu sebaik-baik sahaja keputusan diistiharkan oleh universiti, kolej atau institusi kepada KERAJAAN atau wakil yang mungkin ditetapkannya, akan keputusan peperiksaan penggal, semester, tahunan atau akhir seperti yang dimasukinya;
- (d) bahawa dia, apabila telah menyempurnakan kursus latihan itu dengan jayanya, jika dikehendaki oleh KERAJAAN dalam tempoh dua belas bulan kalendar daripada tarikh dia menyempurnakan kursus latihannya, atau jikalau dia belajar di seberang laut, mulai dari tarikh dia kembali ke Malaysia selepas dia menyempurnakan kursus latihannya, menerima jawatan dalam KERAJAAN atau kerajaan Negeri atau apa-apa jawatan dalam mana-mana badan lain sebagaimana yang diarahkan atau dipersetujui oleh KERAJAAN dalam apa-apa jawatan yang sesuai dengan kelayakan yang diperolehi oleh PELAJAR dan terus berkhidmat

dalam pekerjaan itu bagi satu tempoh selama tidak kurang daripada ..... tahun mulai dari tarikh perlantikannya jika menyempurnakan kursus latihan itu dengan jayanya dalam tempoh yang tidak melebihi daripada tempoh yang ditetapkan dalam Surat

Tawaran Biasiswa, atau bagi satu tempoh tidak kurang daripada .....tahun jika menyempurnakan kursus latihan itu dengan jayanya dalam tempoh melebihi daripada 6 bulan daripada tempoh yang ditetapkan dalam surat Tawaran Biasiswa dengan tidak mengambilkira sama ada tempoh yang lebih itu diluluskan atau tidak oleh KERAJAAN.

2. Sebagai balasan bagi hal tersebut di atas KERAJAAN dengan ini bersetuju:

Bahawa KERAJAAN akan membayar kepada PELAJAR amaun awad yang dinyatakan dalam Surat Tawaran Biasiswa kepada Perjanjian ini mengikut apa-apa cara yang difikirkan patut, sama ada kepada PELAJAR itu sendiri, penjaga di sisi undang-undang atau kepada pihak berkuasa universiti, kolej atau institusi atau, jika di seberang laut, melalui wakil KERAJAAN seperti yang mungkin ditetapkan olehnya.

3. (1) Adalah dengan ini dipersetujui dan diakui bahawa jika pada bila-bila masa dalam masa berjalan kuatkuasanya Perjanjian ini salah seorang atau kedua-dua PENJAMIN itu mati atau tidak lagi bermastautin dalam Malaysia atau berada di luar Malaysia selama lebih daripada dua belas bulan berturut-turut atau dihukum menjadi seorang bankrap atau memperoleh suatu perintah pentadbiran pemakan gaji, maka dalam tiap-tiap hal yang demikian itu, PELAJAR atau seseorang daripada PENJAMIN-PENJAMIN yang masih ada, hendaklah mendapatkan seorang atau orang-orang yang mengikut mana yang berkenaan untuk menggantikan PENJAMIN atau PENJAMIN-PENJAMIN yang pertama tersebut iaitu; dan tiada seorang pun boleh menggantikan seseorang daripada PENJAMIN-PENJAMIN itu melainkan dia disetujuterima oleh KERAJAAN dan dia bersetuju menjadi seorang PENJAMIN mengikut had-had dan syarat-syarat perjanjian ini.
- (2) Jika sekiranya tiada orang seperti tersebut di atas didapati untuk menggantikan PENJAMIN atau PENJAMIN-PENJAMIN yang disebut dalam perenggan (1) KERAJAAN boleh, menurut opsennya, pada bila-bila masa selepas itu menamatkan Perjanjian ini dengan itu Pelajar, tidaklah lagi mempunyai apa-apa tuntutan ke atas apa-apa faedah di bawah Perjanjian ini dan jika PELAJAR pada tarikh penamatan tersebut berada di luar Malaysia, KERAJAAN hendaklah

memberi tambang balik daripada tempat tersebut ke Malaysia, mengikut jalan darat, laut atau udara dan mengikut kelas berkenaan yang ditentukan oleh KERAJAAN.

4. (1) Adalah selanjutnya dipersetujui dan diakui bahawa semasa dalam masa tempoh kursus latihan, PELAJAR-
  - (a) tidak boleh melakukan perbuatan salahlaku dalam apa cara jua pun yang pada pendapat KERAJAAN mungkin menjatuhkan nama baiknya atau nama baik Malaysia;
  - (b) tidak boleh menukarkan kursus pengajiannya tanpa kebenaran terlebih dahulu daripada KERAJAAN;
  - (c) tidak boleh melibatkan diri dalam apa-apa kegiatan atau perbuatan yang boleh menjejaskan pengajiannya dan hendaklah menunjuk dan mencapai kejayaan yang memuaskan di dalam pengajiannya;
  - (d) tidak boleh menerima apa-apa pekerjaan baik yang berpendapatan ataupun tidak, kecuali dengan terlebih dahulu mendapat persetujuan KERAJAAN;
  - (e) tidak boleh mengambil bahagian dalam apa-apa kegiatan yang difikirkan oleh KERAJAAN tidak selaras dengan kepentingan PELAJAR atau kepentingan Malaysia, dan apabila PELAJAR diberitahu oleh KERAJAAN bahawa apa-apa kegiatan yang dia mengambil bahagian adalah tidak selaras dengan kepentingannya dan kepentingan Malaysia maka PELAJAR hendaklah berhenti dengan serta merta daripada mengambil bahagian selanjutnya;
  - (f) tidak boleh memegang apa-apa jawatan di dalam apa-apa pertubuhan, badan atau kumpulan orang tanpa terlebih dahulu mendapat kelulusan bertulis dari KERAJAAN dan KERAJAAN, mengikut budibicara mutlaknyanya, boleh memberi atau tidak memberi kelulusan itu;
  - (g) tidak boleh menjadi seorang ahli atau mengambil bahagian dalam kegiatan-kegiatan apa-apa pertubuhan, badan atau kumpulan orang yang tujuan atau kegiatan-kegiatan itu adalah, pada pendapat KERAJAAN boleh ditafsirkan sebagai bercorak politik tanpa terlebih dahulu mendapat kelulusan bertulis dari KERAJAAN dan KERAJAAN, mengikut budibicara mutlaknyanya boleh memberi atau tidak memberi kelulusan itu.
5. (1) Adalah selanjutnya dipersetujui dan diakui bahawa PELAJAR tidak boleh pada bila-bila masa dalam masa berjalan kuatkuasanya PERJANJIAN ini, iaitu dalam masa tempoh kursus latihan dan juga kemudian daripadanya sehingga tamat tempoh pekerjaannya dibawah perenggan (d) Fasa 1 Perjanjian ini-
  - (a) mengambil apa juga bahagian dalam sesuatu penghasutan atau tunjuk perasaan di mana-mana tempat oleh apa-apa pertubuhan, badan atau kumpulan orang, iaitu penghasutan atau tunjuk perasaan yang, pada pendapat KERAJAAN adalah memudaratkan kepentingan Malaysia atau sesuatu institusi pendidikan;
  - (b) menyediakan atau mengedarkan dengan apa-apa cara, atau mengambil apa jua bahagian dalam menyediakan atau mengedarkan, sesuatu penghasutan atau tunjuk perasaan di

mana-mana tempat oleh apa-apa pertubuhan, badan atau kumpulan orang, iaitu penghasutan atau tunjuk perasaan yang, pada pendapat KERAJAAN adalah memudaratkan kepentingan Malaysia atau sesuatu institusi pendidikan;

- (c) menyediakan, mencetak, membahagi-bahagi atau mengedarkan, atau mengambil bahagian dengan apa-apa cara dalam menyediakan, mencetak, membahagi-bahagi atau mengedarkan apa-apa dokumen atau lain-lain bahan yang, pada pendapat KERAJAAN adalah memudaratkan kepentingan Malaysia atau sesuatu institusi pendidikan;
- (d) membuat apa-apa kenyataan di sesuatu perhimpunan apa-apa kumpulan orang di mana-mana tempat yang pada pendapat KERAJAAN adalah memudaratkan kepentingan Malaysia atau sesuatu institusi pendidikan.

6. (1) Jika PELAJAR melakukan pelanggaran terhadap mana-mana sekatan dalam Fasa 4 dan 5 Perjanjian ini, KERAJAAN boleh, menurut budibicara mutlaknyanya, menamatkan Perjanjian ini dan dengan itu, tanpa menyentuh hak-hak KERAJAAN di bawah Perjanjian ini, PELAJAR tidaklah lagi mempunyai apa-apa tuntutan ke atas apa-apa faedah Perjanjian ini.

(2) Penamatan Perjanjian ini menurut perenggan (1) Fasal ini adalah terakhir dan muktamad.

7. Adalah selanjutnya dipersetujui dan diakui bahawa jika PELAJAR-

- (a) meninggalkan kursus latihannya sebelum sempurnanya kursus itu atau menukarkan kursus pengajiannya, dalam kedua-dua hal tanpa persetujuan KERAJAAN; atau
- (b) menyebabkan Perjanjian ini ditamatkan mengikut Fasal 3 Perjanjian; atau
- (c) dibuang dari universiti, kolej atau institusi oleh pihak berkuasa universiti, kolej atau institusi; atau
- (d) tanpa terlebih dahulu mendapat persetujuan KERAJAAN berhenti daripada atau meninggalkan perkhidmatan KERAJAAN atau Kerajaan negeri atau apa-apa pekerjaan lain yang telah diarahkan atau dipersetujui oleh KERAJAAN di bawah perenggan (d) Fasal 1 Perjanjian ini selama dalam masa tempoh yang disebutkan dalam perenggan itu; atau
- (e) dibuang kerja daripada perkhidmatan atau pekerjaan tersebut kerana salah laku, kecuaiannya atau tidak mengindahkan kewajipan-kewajipannya dalam masa tempoh yang dinyatakan dalam perenggan (d) Fasal 1 Perjanjian ini; atau
- (f) enggan, atau oleh kerana salah lakunya sendiri menjadikan dirinya tidak sesuai berkhidmat atau terus berkhidmat dengan pekerjaan tersebut selama masa tempoh yang dinyatakan dalam perenggan (d) Fasal 1 Perjanjian ini; atau
- (g) telah melakukan apa-apa pelanggaran yang menyebabkan Perjanjian ini ditamatkan oleh KERAJAAN di bawah Fasal 6 Perjanjian ini;

maka dalam mana-mana hal yang demikian itu, PELAJAR dan PENJAMIN-PENJAMIN hendaklah bersama-sama dan masing-masing bertanggungjawab bagi pihak diri mereka,

waris-waris, wasi-wasi, penerima-penerima serahak mereka, membayar balik kepada KERAJAAN, apabila diminta dalam tempoh enam puluh hari wang sebanyak;

- (a) ..... bagi kursus latihan yang tidak melebihi tempoh yang ditetapkan dalam Surat Tawaran Biasiswa di bawah Perjanjian ini;

Atau

- (b) ..... bagi kursus latihan yang tempohnya melebihi tempoh asal yang ditetapkan di dalam Surat Tawaran Biasiswa dibawah Perjanjian ini bagi suatu tempoh melebihi 6 bulan, dengan tidak mengambil kira sama ada tempoh yang melebihi tempoh asal itu diluluskan atau tidak oleh KERAJAAN,

mengikut mana yang berkenaan

8. Adalah dengan ini dipersetujui dan diakui bahawa walau apapun yang berlawanan yang terkandung di atas, KERAJAAN boleh memberi satu bulan notis secara bertulis kepada PELAJAR menamatkan Perjanjian ini pada bila-bila masa, tanpa memberi apa-apa sebab dan dengan ini segala faedah bagi dan tanggungan PELAJAR atau PENJAMIN-PENJAMIN di bawah Perjanjian ini adalah terhenti
9. Adalah dengan ini diakui dan dipersetujui bahawa Surat Tawaran Biasiswa.....bertarikh.....hendaklah dibaca bersama dan menjadi sebahagian daripada Perjanjian ini.

PADA MENYAKSIKAN HAL DI ATAS pihak-pihak yang tersebut dalam Perjanjian ini telah menurunkan di sini tandatangan-tandatangan dan meteri-meteri mereka pada haribulan dan tahun yang mula tertulis di atas

Ditandatangani ..... (Pelajar )

Oleh ..... PELAJAR tersebut.

(Nama Pelajar )

di hadapan

Nama Saksi (HURUF BESAR) .....

Alamat .....

Pekerjaan Saksi..... No. Kad Pengenalan .....

.....  
Tandatangan Saksi

Ditandatangani dan dimaterikan ..... (Pegawai Yang Diberi Kuasa)

Oleh ..... PELAJAR tersebut.

(Nama Pelajar )

di hadapan

Nama Saksi (HURUF BESAR) .....

Alamat .....

Pekerjaan Saksi..... No. Kad Pengenalan .....

.....  
Tandatangan Saksi

Oleh ..... PELAJAR tersebut.

(Nama Pelajar )

di hadapan

Nama Saksi (HURUF BESAR) .....

Alamat .....

Pekerjaan Saksi..... No. Kad Pengenalan .....

.....  
Tandatangan Saksi

Oleh ..... PELAJAR tersebut.

(Nama Pelajar )

di hadapan

Nama Saksi (HURUF BESAR) .....

Alamat .....

Pekerjaan Saksi..... No. Kad Pengenalan .....

.....  
Tandatangan Saksi